



Go tsamaya  
mmogo  
Peter Mekgwe  
Louwrisa Blaauw

Setswana



Fa re tsamaya  
mmogo mme tsela  
e le telele, re  
tsamaya mmogo re  
opela.



Ke na le wena, o na  
le nna.

Go monate go  
tsaya leeto le  
lelapa.



Ke tla go  
thuthafatsa jaaka  
koko e namagadi e  
dira.

E thuthafatsa  
dikokwana ka  
diphuka tsa yone.



Fa pula e simolola  
go na, ke tla  
sireletsa sefatlhego  
sa gago jaaka  
hutse eno e dira.



Fa go biloga maru  
a a boitshegang a  
pula ya  
matlakadibe, se  
boife, o lelelang?  
Ga o nosi.



Re tsamaya  
mmogo e bile ga re  
ke re lapisiwa ke  
gone.

Leba fela mo  
tikologong! Bona  
bontle jo bo kana  
kang!



Fa o bona sengwe  
se se tshegisang, o  
mpolelele ka sone.





Fa dinao tsa gago  
di simolola go opa  
ka ntlha ya leeto le  
le telele, se  
tshwenyege, re  
fitlhile!

Bona, tliliniki ke e.



Rotlhe re  
tshwanetse go  
tthatlhabiwa  
mometso,  
makgwafo le  
ditsebe.

O tshwanetse go  
nonofa fa o ntse go  
gola, o se ka wa  
koafala.



A o tshogile?  
Ntshware ka  
seatla.

Ngaka e tla  
tlhatlhoba  
kgatelelo ya gago  
ya madi ka go  
gagamatsa  
lebanta mo  
lebogong la gago.



Ba re naya  
molemo, ba re  
bolelela dilo tse re  
tshwanetseng go di  
itse, gore re  
itekanele.

A re boele gae  
jaanong.



O lapile tota, re  
bone dilo tse dintsi.  
Ke nako ya gore o  
robale.

Robala sentle o  
ikhutse.

## Go tsamaya mmogo

**Author** - Jade Mathieson

**Translation** - Peter Mekgwe

**Illustration** - Louwrisa Blaauw

**Language** - Setswana

**Level** - First sentences

© Jade Mathieson, Louwrisa Blaauw, Bianca De Jong, Book Dash 2015

Creative Commons: Attribution 4.0

Source [www.africanstorybook.org](http://www.africanstorybook.org)

Original source [www.bookdash.org](http://www.bookdash.org)

